


# Lox Tiag

## Grawng Kawn Simex Pa Grai



**Lukax 15:1-3, 11-24**



Illustrations by Sweet Publishing <http://sweetpublishing.com/>

This work is licensed under the Creative Commons Attribution-ShareAlike 3.0 Unported License. To view a copy of this license, visit <http://creativecommons.org/licenses/by-sa/3.0/> or send a letter to Creative Commons, 444 Castro Street, Suite 900, Mountain View, California, 94041, USA.

Scripture passages are from the New English Translation

The introduction and study questions were developed by Michelle Miller and Pang Snta' to be used with an audience of elementary-age children or with new believers who have limited background knowledge of the Scriptures. The goal of the questions is to help people engage with the Bible stories through a discussion format. The questions in this guide may be freely adapted as deemed appropriate for a particular audience.

Translated to the Wa language by:

Yex Ka Lin

Ai Sang Awng

Edition : First edition

Date : September, 2015

Wa Scripture passages are from The Holy Bible in Wa (2012)



## **Puag Pua Pa Koe Plak Khaix**


Son sang sidiex gau ka pui khankix ka grawng Siyiex, Yesux shiao lox tiag mai lox phetiex heue. Kadaux in singaix Yesux tag sang krai ex mhong lox tiag grawng krax moh Siyiex awm ceu pa tix. Kadaux lox tiag in ex tag mhong grawng pui awn ju tix kaux, pa pon mau khri sinngao khaing keeing tix tom nie mai grawng shiao nawh mau an kix heue. (ex caw ti krai kawm nyawm mhong sidawng sinngao ah ex mawh pa tix.)

Awm an ex tag sang yaox ti mhong grawng pharishie. Pharishie mawh pui mawx? Pharishie mawh cao kaing li pui ceu Yudax. Kix yum rhawm mai rieb tokaux cao ti mawh pui pa lheu mhawm khaing tang kaux kheu tawng kix grawng pingnyap Siyiex.

Krax Pa Nih Nai Krai Lao Tau -

Phan miex keeing maix tawx maix cai mau 10000 plah, maix sang shiao mau an koe buan son yuh ka mawx?





<sup>1</sup> Pui koh mau mai pui ting map khawmuik,  
hoek dex ka Nawh Cao, son sang nghiet  
Nawh heue.



<sup>2</sup> Pharishie khawm pui tiem lai khankix, salao ah nin, “Pui in nieb rieb ti tee pui ting map khankix mai sawm tau mai kix heue.”





<sup>3</sup> Nawh Cao krai lox tiag in ka kix ah nin,  
“Pui tix kaux koe kawn simex ra kaux.”<sup>12</sup>  
Ka daux kiex, kaw pa mawh pux ah nin ka  
keeing tix, Keeing eue, tawx sin ngao cie  
maix, pa khaw aux ti pon liak mai nawh  
gwieh sin ngao tix ka kiex heue.



<sup>13</sup> Khaix an ang ot rheung, kawm pa mawh pux, khrawm kraung khrai cie tix mai hu daux meung dee singai tix meung heue. Nawh nieb yuh pa ang khaw ang jiet mai kieh sin cie tix som nai nawk tan heue. <sup>14</sup> Yam hoik uik cai nawh pa koe tix khawmuik, daux meung an kied lang teung sibhawm mai tokaux nawh kawx hot sibhawm heue.



<sup>15</sup> Yam an nawh hu ka pui meung an tix kaux  
mai yuh siliex nawh heue. Kaw an ploi nawh hu  
ka daux ma tix, sonsang kia, sang tawx, lig  
sawm heue. <sup>16</sup> Nawh simie ti sak tu ka ceem pa  
ih lig khankix, pui tix kaux kawx ang tawx ka  
nawh heue.




<sup>17</sup> Viang mawh nan yam deeh doh keud nawh, nawh ah nin, kawncau pa cang caing ka keeing aux koe miex ding pa sak mai ang uik ih mai aux siya tix tin, dex sang yum heue. <sup>18</sup> Aux tak kaoh mai deeh hu ka keeing aux mai ah nin ka nawh, keeing eue, aux hoik lud hoik yuh phimap ka Siyiex raoma mai sivoie ngai maix heue.



19 Ang keung ti kawn kok aux, mawh kawn simex maix, kieh aux mawh ngie kawncau pa cang pa caing ka maix tix kaux liak. 20 Nawh kaoh mai deeh hoek ka keeing tix. Yam kawn tak hoek nawh, dee singai, keeing nawh yaox nawh, koe krax caux rhawm, to ti hu, khawp ngawg nawh mai ngheut nawh heue.



<sup>21</sup> Kawn simex an ah nin ka nawh, keeing eue, aux hoik lud hoik yuh phimap ka Siyiex raoma mai sivoie ngai maix heue. Ang keung ti kawn kok aux mawh kawn simex maix heue. <sup>22</sup> Viang mawh nan, keeing nawh ah nin ka kawncaw nawh khankix, nied ti hu teei kraung ceep pa lheu mhawm khaing paox tix mai ceep ka nawh mai sau jeep giien ka taix nawh mai ceep kiek ka caong nawh heue.



<sup>23</sup> Hu teei kawn moi pa kluing pa bee mai pah nawh, kieh ex ih mai yuh krax gaux rhawm heue. <sup>24</sup> Mawh kheu kawn simex aux in hoik yum, yam in hoik deeh im, nawh hoik grai, hoik deeh yaox yam in heue. Kix jah ti yuh krax gaux rhawm heue.”

## **K. Deeh Thawk Theng**

1. Mawh pui mawx pa hoek ti nghiet lox sidiex gau Yesux?
2. Mawh pui mawx salao ka Yesux?
3. Tax pa koe daux been in koe kawn simex mie kaux?
4. Pa mawh pux mhaing pa tix ka keeing tix?
5. Pa mawh pux shiao mau pa pon khaing keeing tix yuh ka mawx?
6. Mawh kheu jao pa tix pa mawh pux deeh ing ka keeing tix?
7. Yam yaox keeing ka kawn simex tix hoek khaing singai, nawh yuh pa tix?
8. Kawn simex an ah pa tix yam deeh yaox nawh ka keeing tix?

## **kh. Krax Pa Doh Rhawm Ka Been**

1. Maix keud mawh kheu jao pa tix Yesux shiao bawg yam son pui cao koh mau mai pui ting phimap?
2. Mawh kheu jao pa tix pharishie salao grawng Yesux?
3. Yam mhaing kawn simex nawh sinngao, maix keud daux rhawm keeing nawh koe yuh ka mawx? (Daux been Yudax kawn ang pon tix rawg sinngao ka keeing tix. Caw ti mawh keeing pa tawx yam koe rhawm ti tawx)
4. Mawh kheu jao pa tix yam deeh hoek kawn pa mawh keeing rieb mai gaux rhawm nyawm rhawm lie?
5. Kadaux been in keeing mai kawn sang ah mawh tang pui mawx?



## **G. Krax Pa Deeh Shiao Daux Ju Tix**

1. “Phimap” ah ex koe dee bleeh yuh ka mawx? Ka daux been in pui awn ju an yuh pa lut ka keeing tix. Ex kawx chix yuh pa lut ka Keeing ex Siyiex yuh ka mawx?
2. Khaix hoik yuh ex pa lud, Siyiex kok ex yuh pa mawx? Ka daux been in ex rieb gau ceu pa tix? Phan ex khiox khaw ka phimap tix, Siyiex deeh pawk yuh ka mawx?
3. Phan pui tix kaux kaux khiox khaw mai doh keud ka phimap tix, ex simie kix koe rhawm rhi ceu pa tix? Ex khaw ti yuh ka mawx son kix?

## **Ng. Ceu Pa Rieb Gau Ex Khaing Been In**

1. Siyiex simie ex hoek ka Nawh mai simie ti kieh ex rawg Nawh pluat phimap ex kheu koe alo Nawh tix pluat phimap.
2. Siyiex moh ex awm moh keeing ka kawn tix.
3. Pui pa doh keud ka phimap mai rawg ex pluat ploi phi map tix, ex caw ti rieb mai pluat ploi phimap nawh heue.
4. Maix pon rieb gau ceu pa tix? Kawn koe lox chawk maix lie?

## **Baux Lai Pa Caw Ti Ci**

Lukax 15:20 Nawh kaoh mai deeh hoek ka keeing tix. Yam kawn tag hoek nawh, dee singai, keeing nawh yaox nawh, koe krax caux rhawm, to ti hu, khawp ngawg nawh mai ngheut nawh heue.